





17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44



492-30
745.1
2124







金薤琳琅卷第一

太僕少卿吳郡都

穆



往寓目者兩激風射日銷月鑠幾何其
地荒且僻歷數千年鮮有知其竒古而
昔田公已筆力道勁有劒拔弩張之狀
贊皇縣壇山上有周穆王刻石四字曰
周壇山石刻

不遂湮沒廣平宋公皇祐四年秋九月
自亳社之鎮鎮陽趙其屬郡也公過趙
日嘗訪此字於士大夫間爾後郡守王
君使縣人尋訪得之巖石之上令劉莊
者因督工鑿取輦置歸我時人始驚觀
者日至噫此刻埋没人不知識因宋公
一言今遂出幽晦取愛重於石雖不能
言其亦可謂得所遭矣中祐昔聞其妙
近幸權守於此而覩其真且懼經歷久
遠一旦圯剝或墜於地失前妙絕之迹

迺俾闢石糊灰括以堅木鏡廳事右壁
而陷置之覆蓋固護庶永存而無弛時
五年孟夏廿一日權郡事李中祐記
右吉日癸巳四字相傳爲周穆王書刻
贊皇縣壇山石上晉衛夫人謂李斯見
周穆王書七日興嘆蓋指此也歐陽公
集古錄謂慶曆中宋尚書祁在鎮陽嘗
摹此字而趙州守將命工鑿山龕其字
州廨之壁聞者嗟惜趙明誠金石錄謂
穆王時所用皆古文科斗書此字反類

小篆而疑其非真予家舊藏此刻蓋宋
搨本有皇祐五年權郡事李中祐跋以
其罕傳錄之如右李跋謂皇祐四年宋
公過趙尋訪得之縣令劉莊督工鑿石
輦置歸我則宋公之摹字在皇祐而不
在慶曆縣令鑿取以歸於州則龕置州
廨者中祐而鑿石非其人也我朝宋
學士景濂嘗摹其字重刻浦陽山房仍
自為跋謂吉日字與周淮父卣伯碩父
鼎齊侯罍鍾諸款識合又謂字形多類

石鼓明誠已信石鼓為周人書不當於
此而疑之予觀李跋既得其實惜歐陽
公之未見而學士又考據精當足以祛
後人之惑又按宋吳興施宿謂州廨舊
石以政和五年取入內府皆後人所當
知者故併著之

周石鼓文

一

闕四 而師闕二字 庶左闕四 滔滔是熾闕四 不
具奪闕五 肝來闕六 具闕四 樂天子闕三 嗣

關六來關四
字

右文十行行七字重文者一共關五十二字

我水既

關一我道既平我

關一既止嘉樹則

里天子永寧

二日維丙申

四我其用道我馬

既陳敕

一康康駕彼

二左驂駮駮

漱漱扯

二女不

三翰靈

子余及如

三害不余及

右文十五行行五字末行四字重文者

六共關二十一字

三

田車既安鑿

音條勒駢駢

關一從既簡左驂旛

旛右驂驥驥

我以濟于原

關一我止射宮

車其寫秀弓

寺射麋豕

孔庶鹿鹿雉兔其原

有紳其

關一奔大

關一出各亞

執而勿射

多庶趨趨

與轡君子攸樂

右文十行行七字末行六字重文者四

共關七字

四

闕二 變車華救真真 音填闕一字 弓孔碩彤矢四

馬其寫六 轡驚驚徒馭孔庶廓宣搏搏首車

載道徒如章原溼陰赳赳六馬射止族族

闕一 如虎獸鹿如 闕二 多賢赳禽 闕二 我兔

允異

右文十行行六字末行五字重文者五

共闕八字

五

汧也沔丞彼淖淵鯁鯁處之君子 闕一字 漁之

瀾又鯢其游趨 初于反 帛魚鱓鱓 洛音 其蘊氏鮮

黃白其鯁又鱓 音敷 又鯿 音敷 其胡孔庶繇之慶

慶 丑若反 湔湔 音趨 趨 音甫 其魚維何維鯁維鯉

何以橐之維揚及柳

右文九行行七字末行五字重文者四

共闕一字

六

右文五行行五字闕不成文

七

闕一字 猷作原作 闕一字 導遄我治 闕一字 除帥彼

停 音序闕一字 莽為毒 讀若三十字 里 闕一字 微猷猷 音闕 廼

畧

字闕一

栗柞棫其

字闕一

槃格庸庸鳴

字闕一

亞

若其華

字闕一

為所旂夏

字闕一

盤導旨樹

字闕一

合

模本下有孫字非

右文十一行行五字末行二字重文者

二共闕十一字

八

我車既工攻通我馬既同我車既好我馬既阜

君子員員獵獵員旂麇鹿速速君子之求闕二

字音調肉弓茲以時我啟其特其來趨趨同

趨趨音憲變變音黃即我即時麇鹿趨趨其來大

有我啟其撲其來遺遺射其豮豮音委蜀

右文十一行行六字重文者九共闕二

字

九

闕三天零兩零流迄闕二滌滋君子闕一即

涉馬闕一流闕一也洎洎闕九自廓徒馭闕二

字維舟以道或陰或陽揖深以闕三于水一

方闕四其奔闕五事

右文十一行行六字共闕三十一字

十

吳入憐丞字闕三載西載北字闕四而字闕三用闕六

字大祝享字闕四執寧逢中囿孔字闕一鹿字闕五

瞳瞳大字闕五求又字闕六是字闕二

右文十行行八字末行二字共闕三十
九字

三代文字之存於今者唯穆王吉日癸
巳史籀石鼓文及商周鼎彝款識夫吉
日癸巳數字而已商周款識又不多得
然嚴正婉潤端姿旁逸銛利鈎殺則唯
石鼓文耳惜其歲久剝落至唐始顯遂

至紛紛疑議歐陽文忠謂其自宣王至
宋千有九百餘年理難得存是不然也
夫石刻之易漫者以其摹搨者多故也
今石鼓委置草萊泥土之中兀然不動
至唐始出以故完美如初况其石之質
頑性堅若為碓磴者哉此不足疑一也
鄭漁仲謂是秦篆因其以毆為也見於
秦斤以丞為丞見於秦權其文有曰嗣
王有曰天子天子可為帝亦可謂王秦
自惠文稱王始皇稱帝以為惠文之後

始皇之前所作也余按易書經文無也
字則知古轉用毆豸字正當從山取奉
豸高意六月宣王之詩也曰王于出征
以佐天子吉日宣王田獵之詩也曰天
子之所曰以燕天子祈父刺宣王之詩
也曰予王之爪牙此不足疑二也溫彥
威使三京以為後周文帝獵於岐陽所
作蓋因史大統十一年西狩岐陽之語
而云也尤為謬妄夫自秦漢晉宋隋唐
以來苟能書者如斯冰瑗邕諸人皆名

後世豈後周時有能書若此而不名乎
况其詩詞嚴古尤非當時之人所能及
者且蘇勗韋韓諸公去後周末遠不應
謬稱如是此不足疑三也故余斷然以
為宣王田狩之詩而史籀之書也蓋宣
王田狩岐陽之時從臣贊美刻詞出於
一時若車攻吉日則田獵東都時所作
者其詞多與石鼓同如我車既攻我馬
既同脩備之詞一也麇鹿麇麇鹿速
速麇鹿逢逢獸多之詞同也車攻曰四

牡龐龐四牡奕奕吉日亦曰四牲孔阜
蓋即石鼓趯趯六馬四馬其寫之謂也
他如駕言徂東駕言行狩即我其用道
之謂也曰建旄設旄悠悠旆旌即其旂
鼎旂之謂也曰會同有繹即來樂天子
之謂也曰兩驂不猗不失其馳即左驂
旂旂右驂驥驥之謂也曰允矣君子展
也大成以燕天子即君子乃樂天子永
寧之謂也曰吉日維戊吉日庚午即日
維丙申之謂也曰田車旣好即田車旣

安我車旣好之謂也曰從其群醜瞻彼
中原其祁孔有即我以濟于原我戎止
射其來大有其來遺遺之謂也曰儻儻
俟俟即廢廢黃黃之謂也曰殪此大兕
即我毆其特之謂也又况石鼓漫滅者
多其詞繁而不殺不若車攻吉日二詩
嚴肅簡潔足該十篇之意故偶見刪削
古詩三千餘篇而夫子定爲三百篇者
此類是也若以不見收錄而遽疑之則
論語所引素以爲絢兮偏其反而之句

皆逸詩也豈可以是而盡疑論語乎前
人音辯類有得失或前後之相遠或多
寡之不同歐陽集古所錄可見者四百
六十五字胡世將資古所錄可見者四
百七十四字吾衍氏視資古又加三字
予嘗得宋搨本雖不能如集古資古吾
氏所載然較之今世所有者極爲精好
因裝潢成軸每鼓後以釋文譜之其闕
文則一依吾氏及潘氏云時洪武乙丑
夏五月朔趙古則書

右石鼓文宋代搨本洪武中藏於餘姚
儒者趙古則後歸予家石鼓昔人論之
詳矣趙氏跋謂溫彥威使三秦以石鼓
爲後周文帝獵於岐陽所作而斷其繆
妄予按姚氏殘語云彥威使三秦此得
之僞劉詞臣馬定國然亦非也金元好
問編中州詩定國小傳云仕金翰林學
士考石鼓字畫定爲宇文周時所造作
文辨之萬有餘言元天台劉仁本爲石
鼓論本之定國而斷其非史籀之書二

子繆妄固不俟言跋復謂蘇勗韋韓諸公去後周末遠不應繆稱如是而以其言爲可信予觀應物退之其去後周似爲遼濶勗貞觀時仕吏部侍郎視後周則誠未遠又按李嗣真書後品張懷瓘書斷亦皆以石鼓爲史籀書嗣真高宗時人而懷瓘老於開元則稱石鼓爲籀書者始於蘇氏繼於李張而退之直據之耳古則字搯謙宋宗室之後讀書博古尤精字學所著有六書本義聲音文

字通二書嘗仕廣東瑯山教諭卒於

鄭夾漈謂石鼓至唐始出於岐陽鄭餘

慶取置鳳翔孔廟而亡其一皇祐四年

向傳師求於民間得之十鼓遂足王順

伯謂五代之亂鼓復散失司馬池復輦

致府學其一鼓已亡向傳師搜訪足之

二說皆同予近見傳師跋謂數內第十

鼓較之文亦不類訪於閭里果獲一鼓

字雖半缺驗之書體真得其蹟遂易而

置之其數方備乃知第十鼓其先蓋嘗

有偽爲者至傳師而真鼓始復此皆王
鄭之所未及豈其未嘗見向跋邪鄭復
謂大觀中鼓置之辟雍復取入保和殿
經靖康之變未知其遷徙與否王則謂
大觀中鼓歸京師詔以金填其文靖康
之末保和珍異北去或傳濟河遇風棄
之中流而存亡未知後王子充題此謂
金人入汴剔取其金而棄去之至元乃
輦至京師置於國學廟門之下予按胡
世將資古錄云崇寧中蔡京作辟雍取

十鼓置講堂後辟雍廢徙置禁中則置
之辟雍者蔡氏而所謂禁中即保和殿
也若王鄭之未知其遷徙存亡蓋當是
時北方非中國所有而二公又皆南人
故云然也及觀之虞伯生云金人得汴
梁鼓亦北徙留王宣撫宅宅後爲大興
府學伯生助教成均言於時宰得置之
國學大成門內則淪入濟河與夫金人
棄之之說皆不足信不知二王何從而
得此也鼓今在北京國子監即元之舊

地予官禮部時嘗命工搨之字多漫滅較之宋本僅十之二三而已

金薤琳琅卷第一



金薤琳琅卷第二

太僕少卿吳郡都穆

秦嶧山刻石

秦泰山刻石

秦會稽刻石

秦之罘刻石

秦琅琊臺刻石

秦詛楚文

秦嶧山刻石

皇帝立國維初在昔嗣世稱王討伐亂逆威

動四極武義直方戎臣奉詔經時不久滅六
暴強廿有六年上薦高號孝道顯明既獻泰
成乃降專惠親軻遠方登于嶧山羣臣從者
咸思攸長追念亂世分土建邦以開爭理攻
戰日作流血於野自泰古始世無萬數陀及
五帝莫能禁止迺今皇帝壹家天下兵不復
起熯害滅除黔首康定利澤長久羣臣誦略
刻此樂石以著經紀皇帝曰金石刻畫始皇
帝所爲也今襲號而金石刻辭不稱始皇帝
其於久遠也如後嗣爲之者不稱成功盛德

丞相臣斯臣去疾御史大夫臣德昧死言臣
請具刻詔書金石刻因明白矣臣昧死請制
曰可

秦相李斯書嶧山碑跡妙時古殊爲世
重故散騎常侍徐公鉉酷耽玉箸垂五
十年時無其比晚獲繹山碑摸本師其
筆力自謂得思於天人之際因是廣求
已之舊跡焚擲略盡文寶受學徐門粗
堅企及之志太平興國五年春再舉進
士不中東適齊魯客鄒邑登嶧山求訪

秦碑頽然無覩逮於旬浹悵于榛蕪
之下惜其神蹤將墜於世今以徐所授
摸本刊石于長安故都國子學庶博雅
君子見先儒之指歸淳化四年八月十
五日承奉郎守太常博士陝府西諸州
水陸計度轉運副使賜緋魚袋鄭文寶
記

右秦嶧山刻石宋淳化中太常博士鄭
文寶以徐鉉摸本刻之長安者唐封演
謂此碑歷代摸搨邑人疲於供命聚薪
焚之邑令取舊文刻置縣廨則嶧山前
此嘗有是刻蓋至唐而始焚歐陽公以
嶧山無此而疑其非真非也宋董彥遠
書跋謂其文考於史記多不合而疑傳
者之誤今史記實無此文則傳者未必
誤特董氏之自誤耳自文寶刻徐氏本
其後翻本頗多世之評者謂長安第一
紹興第二浦江第三應天府學第四青
社第五蜀中第六鄒縣第七又予聞之
先師李文正公言嘗見秘閣舊本才二

十五字今所傳徐本乃其全文而字復
加大何哉

此碑自皇帝曰以下乃二世詔文在始
皇刻石之旁予見泰山碑如此鄭文寶
不見秦刻其所刻乃徐氏摹本故牽聯
誤書然此碑非文寶之傳則後世不復
再見文寶可謂有功於字學者而宋史
列傳不言其能書殆以政事而揜之耳

秦泰山刻石

皇帝臨立作制明闕五廿闕一六闕三并闕三

字不闕三軋闕一遠闕一黎闕一登闕一茲闕一山闕四從闕四臣闕四思

迹本原闕五德闕一道闕一行闕一諸闕一產闕一得闕一宜闕四

右文五行行十二字存者三十字闕三

十字在石之西面

大義著明陟于後嗣闕四皇帝躬聽既平下

興夜寐建設長闕五

右文三行行十二字存者二十二字闕

十四字在石之北面

經宣達遠近畢理闕四貴賤分明男女

體順慎闕三昭隔內外靡不清闕五化闕一

無窮闕一奉遺詔闕四

皇帝曰金石刻盡始皇帝闕七金石

右文六行行十二字存者四十一字闕

二十六字在石之東面

刻辭不稱始皇帝其於久遠闕一如闕二為

之者不稱成功闕二丞相臣斯臣去疾御史

大夫臣闕一昧死言臣請具刻詔書金石刻

因明白矣臣昧死請

右文七行行十二字存者五十一字闕

六字在石之南面

右秦泰山刻石歐陽公謂其友江鄰幾

嘗至泰山視秦刻石所存僅數十字而

其本乃鄰幾所遺趙明誠謂宋真宗東

封兗州字摹本以獻凡四十餘字後宋

莒公刻之於石其說與歐陽公合明誠

復謂大觀間汶陽劉跂親至太山絕頂

見碑四面有字乃摹其文刻石自為後

序謂之泰山秦篆譜明誠復以史記與

譜較之不同者凡十數字謂足以正史

氏之失予家舊藏此刻僅五十一字乃
二世詔即歐陽公所謂江鄰幾本趙氏
所謂交州及宋莒公墓本是也近得劉
譜視前加九十三字後序謂篆石埋植
土中崇四五尺五十一字在南面稍平
故嘗爲人摹搨其三面皆殘闕蔽閣跂
刮摩垢蝕而字始出蓋刻文起西面而
北而東而南共二十二行其末行制曰
可三字復轉刻西南稜上由是篆文首
尾幾於復完而碑之傳世此則跂之功

也董氏書跋謂二世詔書宜在石陰而
今在其南始皇之詔乃在北西東三面
蓋碑石嘗什後之人以一面稍完故樹
之南向董又謂石崇九尺面方二尺餘
而跂云石之崇五尺更俟登山訪之
歐陽文忠宋莒公皆不知嶧山碑四面
有字蓋在劉譜未出之前元吾衍子行
號稱博洽其學古編云石皆剝落唯二
陳天世詔一面稍見豈亦未嘗見劉譜邪
皇帝刻石

皇帝休烈平壹宇內德惠攸長世有七年親
軻天下周覽遠方遂登會稽宣省習俗黔首
齊莊羣臣誦功本原事迹追道高明秦聖臨
國始定刑名顯陳舊章初平法式審別職任
以立恒常六王專倍貪戾傲猛率衆自強暴
虐恣行負力而驕數動甲兵陰通間使以事
合從行爲辟方內飾詐謀外來侵邊遂起禍
殃義威誅之殄熄暴悖亂賊滅亡聖德廣密
六合之中被澤無彊皇帝并宇兼聽萬事遠
近畢清運理羣物考驗事實各載其名貴賤

並通善否陳前靡有隱情節省宣義有子而
嫁倍死不貞防隔內外禁止淫泆男女絜誠
夫爲寄殲殺之無臯男秉義程妻爲逃嫁子
不得毋威化廉清大治濯俗天下承風蒙被
休經皆遵軌度和安敦勉莫不順令黔首脩
絜人樂同則嘉保秦平後敬奉法常治無極
輿舟不傾從臣誦烈請刻此石光陸休銘

李斯書嶧山頌淳化間守太常博士鄭
文寶以徐鉉所授本刻於長安國學泰
山頌至元間行臺侍御史李處巽獲劉

金華卷二
七
跋所摸本刊于建鄴郡庠由是其迹僅存而所傳浸廣予攷諸記載始皇及二世抵越取浙江岑石刻頌於山亦斯筆也磨滅久矣好古博雅者蓋願見而不可得予乃以家藏舊本摸勒置于會稽蠻舍庶與嶧秦等文並貽於後但史記攸長作脩長世字作三十追道作追首又作追守軌度作度軌今則俱依石刻至正元年辛巳歲夏五月望日承德郎紹興路總管府推官東平申屠駟識

右秦會稽刻石按史記始皇三十七年上會稽祭大禹望於南海立石刻頌秦德後其石人稱秦望山碑山在會稽縣東南四十里宋書載竟陵王子良尅日登秦望山主簿范雲以山上有始皇石刻人多不識乃夜取史記讀之明日登山雲讀如流子良大悅以爲上賓則晉宋以來石固無恙歐陽公趙明誠皆好集古文不應此獨見遺鄭夾漈通志金石畧雖嘗載之而云疑在越州亦無真

見此皆予之所未曉者元至正初東平
申屠子迪爲紹興路推官以家藏舊刻
刻於路學即今之所傳是也然不知其
先何從得之予觀其字畫與嶧山碑絕
類豈亦出徐鼎臣鄭文寶之所摹而申
屠氏嘗藏之歟

申屠氏跋謂石刻與史所載不同者數
字今按史云有子不嫁石刻作而嫁史
云殺之無罪石刻作無辜史云和安敦
誠石刻作敦勉則又跋中之所未及漫

識之

秦之罘山刻石

右秦之罘山刻石所存僅二十字蓋二
世詔也歐陽公謂其刻與泰山嶧山文
同而字畫皆異而惟以泰山爲真吾子
行譏周秦石刻音釋亦謂其與琅琊石
文皆不類秦刻而不收錄及考之董氏
書跋謂嶧山刻字與泰山似異疑古人
於書形類不一則此又有不當疑者予
又安能定是非於其間哉

此刻汝州帖亦嘗載之然字僅十五予家所藏視汝帖多御史大夫臣五字蓋宋莒公賜書堂本也

秦琅琊臺刻石

右秦琅琊臺刻石按史記始皇二十八年東行登琅琊樂之留三月作琅琊臺立石頌德趙明誠謂其頌詩已亡所存唯從臣姓名及二世詔書然亦殘闕又謂熙寧中密州守嘗摸搨刻之於石予家所藏乃宋莒公刻本僅十有七字皆

頌詩中語與密本不同俟博識者辨之

秦詛楚文

久湫久讀作故

又通作秦嗣王敢用吉玉瑄璧使其宗祝邵

馨布愍告于不顯大沉久湫以底楚王熊相

之多罪昔我先君穆公及楚成王寔戮力同

心兩邦若一絆以婚姻衿以齊盟曰葉萬子

孫毋相為不利親仰大沉久湫而質焉今楚

王熊相康庸讀作回無道淫泆耽亂宣侈競縱

變渝盟刺內之則暴虐不辜刑戮孕婦幽刺

親戚拘圉其叔父寘諸寘室櫛棺之中外之
則冒改久心不畏皇天上帝及大沈久湫之
光烈威神而兼倍十八世之詛盟率諸侯之
兵以臨加我欲剗伐我社稷伐滅我百姓求
蔑法皇天上帝及大沉久湫之卹祠圭玉犧
牲逮取我邊城新郢音及郟音於長親我不敢
曰可今又悉興其衆張矜億怒飾甲底兵奮
士盛師以徇我邊境將欲復其音眚迹唯是
秦邦之羸衆敝賦鞫音鞫音作鞫音棧輿禮使介
老將去聲之以自救也亦應受皇天上帝及大

沉久湫之幾靈德賜克劑楚師且復略我邊
城敢數上聲楚王熊相之倍盟犯詛著諸石章
以盟大神之威神

巫咸

文與久湫同

亞馳

亞馳讀作呼范
文與巫咸同

右秦詛楚文凡三曰久湫曰巫咸曰亞

馳其石皆出宋世說者謂初得巫咸文

於鳳翔次得久湫文於渭又次得亞馳

文於洛其詞則一惟告於神者隨號而異

自石文之出黃魯直張芸叟皆有訓釋

歐陽公董彥遠王順伯皆有論辨歐陽公謂以史記世家攷之自楚成王十八世爲頃襄王名橫不名熊相而疑傳寫之誤董氏謂秦之詛楚爲頃襄也其見亦同順伯云秦自穆公十八世至惠文王與楚懷王同時從橫爭伯此詛爲懷王也或以楚自成王十八世至頃襄王秦人之文不應數楚之世况頃襄立是時楚已微弱非秦所畏不應有詛葉少蘊生先順伯亦云熊相疑即懷王二說

似爲有見董氏又云其詞若出一時不知一日會盟安得親質三所宋章樵云盟石告神當於其地巫咸在解州鹽池告文不應遠在古雍董氏復謂疑其宗祝分致以告神順伯謂當時告神想不止是見於世者唯此而已此或得之予特疑其自秦至宋千有餘年嘗沈之於水瘞之於地其字畫纖細理難完好唐人編古文苑雖嘗載其辭而自宋以前薦紳君子曾無一言及之董氏謂歲久

石漸刊闕因據舊本得其完書不知所
謂舊本果出何時元吾子行博古士也
以先秦古器比較此篆絕不相類以為
後人偽作但宋世諸公愛其筆跡無有
異論予固不得而定之也



金薤琳琅卷第二



金薤琳琅卷第三

太僕少卿吳郡都



漢魯相置孔子廟卒史碑

漢魯相晨孔子廟碑

漢魯相晨孔廟後碑

漢魯相造孔廟禮器碑并陰

漢泰山都尉孔宙碑并陰

漢魯相置孔子廟卒史碑

司徒臣雄司空臣戒稽首言魯前相瑛書言

詔書崇聖道勉闕藝孔子作春秋制孝經闕

字五經演易繫辭經緯天地幽讚神明故特立廟褒成侯四時來祠事已即去廟有禮器無常人掌領請置百石卒史一人典主守廟春秋饗禮財出王家錢給大酒直須報謹問太常祠曹掾馮牟史郭玄辭對故事辟雍禮未行祠先聖師侍者孔子子孫太宰太祝令各一人皆備爵太常丞監祠河南尹給牛羊豕雞關二各一太司農給米祠臣愚以為如瑛言孔子大聖則象乾坤為漢制作先世所尊祠用衆牲長吏備關二欲加寵子孫敬恭

明祀傳于罔極可許臣請魯相為孔子廟置百石卒史一人掌領禮器出王家錢給大酒直他如故事臣雄臣戒愚戇誠惶誠恐頓首頓首死罪死罪臣稽首以聞制曰可元嘉三年三月廿七日壬寅秦洛陽宮元嘉三年三月丙子朔廿七日壬寅司徒雄司空戒下魯相承書從事下當用者選其年四十以上經通一藝雜試通利能奉弘先聖之禮為宗所歸者如詔書書到言永興元年六月甲辰朔十八日辛酉魯相平

行長史事卞守長擅叩頭死罪敢言之司徒
司空府壬寅詔書爲孔子廟置百石卒史一
人掌主禮器選年四十以上經通一藝雜試
能奉弘先聖之禮爲宗所歸者平叩頭叩頭
死罪死罪謹案文書守文學掾魯孔和師孔
憲戶曹史孔覽等雜試和脩春秋嚴氏經通
高第事親至孝能奉先聖之禮爲宗所歸除
和補名狀如牒平惶恐叩頭死罪死罪上司
空府

讚曰巍巍大聖赫赫彌章相乙瑛字少卿平

原高唐人令鮑疊字文公上黨屯留人政教
稽古若重規闕乙君察舉守宅除吏孔子十
九世孫麟廉請置百石卒史一人鮑君造作
百石吏舍功垂無窮於是始闕

右漢魯相置孔子廟卒史碑今在曲阜
蓋魯相乙瑛上書請置百石卒史一人
典主守廟司徒吳雄司空趙戒以聞制
從之蓋在元嘉三年三月後魯相平補
以孔和上書於司空府則永興元年六
月也攷之范史桓帝紀元嘉惟有二年

碑云元嘉三年三月者蓋是年五月始改永興至十月而雄戒亦罷免矣

此碑殘闕據宋洪丞相隸釋錄其全文蓋漢文高古難得將以供學士大夫之嗜好而不特此碑然也凡予之錄漢刻其殘闕者皆以洪本足之

漢魯相晨孔子廟碑

建寧二年三月癸卯朔七日巳酉魯相臣晨長史臣謙頓首死罪上尚書臣晨頓首頓首死罪死罪臣蒙厚恩受任符守得在奎婁周

孔舊寓不能闡弘德政恢崇壹變夙夜憂怖累息屏營臣晨頓首頓首死罪死罪臣以建寧元年到官行秋饗飲酒畔宮畢復禮孔子宅拜謁神坐仰瞻椽桷俯視几筵靈所馮依肅肅猶存而無公出酒脯之祠臣即自以奉錢脩上案食醞具以叙小節不敢空謁臣伏念孔子乾坤所挺西狩獲麟為漢制作故孝經援神契曰玄丘制命帝卯行又尚書考靈耀曰丘生倉際觸期稽度為赤制故作春秋以明文命綴紀撰書脩定禮義臣以為素王

稽古德亞皇代雖有褒成世享之封四時來
祭畢即歸國臣伏見臨壁雍日祠孔子以太
牢長史備爵所以尊先師重教化也夫封土
爲社立稷而祀皆爲百姓興利除害以祈豐
穰月令祀百辟卿士有益於民矧乃孔子玄
德煥炳光于上下而本國舊居復禮之日闕
而不祀誠朝廷聖恩所宜特加臣寢息耿耿
情所思惟臣輒依社稷出王家穀春秋行禮
以供禋祀餘闕賜先生執事臣晨頓首頓首
死罪死罪臣盡力思惟庶政報稱爲效增異

輒上臣晨誠惶誠恐頓首頓首死罪死罪上
尚書

昔在仲尼叶光之精大帝所挺顏母毓靈承
敝遭衰黑不代倉闕不應聘嘆鳳不臻自衛
反魯養徒三千獲麟趣作端門見徵血書著
紀黃玉嚮應主爲漢制道審可行乃作春秋
復演孝經刪定六藝象與天談鈎河摘洛却
揆未然巍巍蕩蕩與乾比崇

右漢魯相晨孔子廟碑靈帝建寧二年
立晨姓字見於後碑此乃其所上尚書

奏章蓋當時之制郡國不敢直聞朝廷
因尚書以達之也碑云到官秋享無公
出酒脯之祠自用俸錢以供禋祀知其
爲魯之賢相也

魯相晨孔廟後碑

相河南史君諱晨字伯時從越騎校尉拜建
寧元年四月十一日戊子到官乃以今日拜
闕孔子望見闕式路虔踞既至升堂屏氣
拜手祇肅屑僂鬚髯若在依舊宅神之所
安春秋復禮稽度玄靈而無公出享獻之闕

字欽因春饗導物嘉會述脩璧雍社稷品制
即上尚書參以符驗乃敢承祀餘胙賦賜刊
石勒銘并列本奏大漢延期彌歷億萬

時長史廬江舒李謙敬讓五官掾魯孔暢功
曹史孔淮戶曹掾薛東門榮史文陽馬琮守
廟百石孔讚副掾孔綱故尚書孔立元世河
東大守孔彪元上處士孔褒文禮皆會廟堂
國縣員冗吏無大小空府竭寺咸俾來觀并
畔宮文學先生執事諸弟子合九百七人雅
歌吹笙考之六律八音克諧蕩邪反正奉爵

稱壽相樂終日於穆肅雍上下蒙福長享利貞與天無極

史君饗後部史仇誦縣吏劉耽等補完里中道之周左墻垣壞決作屋塗色脩通大溝西流里外南注城池恐縣吏斂民侵擾百姓自以城池道濡麥給令還所斂民錢并史君念孔瀆顏母并去市道遠百姓酤買不能得香酒美肉於昌平亭下立會市因彼左右咸所願樂

又勅瀆并復民飭治桐車馬於瀆上東行道

表南北各種一行梓

假夫子冢顏母井舍及魯公冢守吏凡四人缺與佐除

右史晨孔廟後碑載當時廟享觀禮者自長史李謙五官掾孔暢而下凡九百七人可謂盛矣廟享之後晨復修瀆治井及置守墓之人蓋不但如前碑所云出俸錢以供祀事其有功於孔氏甚大而部史仇誦縣吏劉耽亦復補垣除道至通大溝則晨固有以啓之也吁晨誠

賢矣哉

漢魯相造孔廟禮器碑

惟永壽二年青龍在涖歎霜月之靈皇極之
日魯相河南京韓君追惟太古華胥生皇雄
顏闕育實俱制元道百王不改孔子近聖
為漢定道自天王以下至于初學莫不驢思
嘆印師鏡顏氏聖舅家居魯親里并官聖妃
在安樂里聖族之親禮所宜異復顏氏并官
氏邑中闕一發以尊孔心念聖歷世禮樂陵
遲秦項作亂不尊圖書倍道畔德離敗聖輿

食糧亡于沙丘君於是造立禮器樂之音符
鍾磬瑟鼓雷洗觴觚爵鹿相桓籩板禁壺脩
飾宅廟更作二輿朝車威燾宣杼玄汙以注
水流法舊不煩備而不奢上合紫臺稽之中
和下合聖制事得禮儀於是四方士仁聞君
風耀敬咏其德尊琦大人之意遠彌之思乃
共立表石紀傳億載其文曰
皇缺一統華胥承天畫卦顏育空桑孔制元
孝俱祖紫宮大一所授前門九頭以什言教
後封百王獲麟來吐制不空作承天之語乾

元以來三九之載八皇三代至孔乃備聖人
不世期五百載三陽吐圖二陰出讖制作之
義以俟知字缺一於穆韓君獨見天意復聖二
族遠越絕思修造禮樂胡璉器用存古舊宇
慇懃宅廟朝車威熹出誠造缺漆不水解工
不事賈深除玄汙水通缺注禮器升堂天兩
降澍百姓訴和舉國蒙慶神靈祐誠竭敬之
報天與厥福永享年壽上極華紫旁伎皇代
刊石表銘與乾運燿長期蕩蕩於盛復授赫
赫罔窮聲垂億載

韓明府名勅字叔節潁川長社王玄君真二
百河東大陽西門儉元節二百故涿郡太守
魯廡次公五十故會稽太守魯傳世起千故
樂安相魯廡季公千故從事魯張嵩眇高五
百相主薄魯薛陶元方三百相史魯周乾伯
德三百

右漢魯相韓勅造孔廟禮器碑說者謂
其文雜用讖緯不可盡通予觀東漢自
光武以赤伏符即位篤好圖讖臣下則
而效之流弊浸廣至漢之末而其說尤

熾見之金石者不特此碑然也帝堯碑
云堯遊於玄河之上有龍授圖堯乃受
命成陽靈臺碑云堯母慶都遊觀河濱
感赤龍交而生堯魯相史晨孔廟碑云
孔子乾坤所挺西狩獲麟為漢制作皆
怪誕恍惚不經之甚後之君子以為漢
儒之陋狹如此而不知其所從來孔子
曰上有好者下必有甚焉者矣以光武
之明智而慮不及此嗚呼於漢儒乎何
尤

韓勅碑陰

故涿郡太守魯庶次公五千故從事魯張
嵩眇高五百潁川長社王玄真二百故會稽
太守魯傅世字關一千相主簿魯薛陶元方三
百河東大陽西門儉元節二百故樂安相魯
庶季字關一千字關一相史魯周乾伯德三百曲
成侯王嵩二百遼西陽樂張普仲堅二百潁
川長社王季孟三百故督郵魯趙輝彥臺二
百河南成臯蘇漢明二百其人處士汝南宋
公國陳漢方二百郎中魯充宙季將千河南

雒陽种亮奉高五百故山陽南平陽陳漢甫
二百御史魯孔翊元世千故兗州從事任城
呂育季華三千任城番君舉二百太尉掾魯
孔凱仲弟千故下邳令東平陸王裒文博千
任城王子松二百魯孔曜仲曜二百魯孔儀
甫字闕一百故潁陽令文陽鮑宮元威千任城
謝伯威二百處士魯孔方廣率千河南雒陽
李申伯百任城高伯世二百魯孔巡伯陽二
百文陽蔣元道二百趙國邯鄲宋鎮元世二
百相主簿薛曹字闕一濟興三百魯孔憲字闕一

則闕文陽字闕二文豫二百彭城廣字闕一姜尋

孔長二百相中賊史薛紹興公二百尚書侍

郎魯孔彪元上三千平原樂陵朱恭敬公二

百薛字闕一高字闕三魯孔字闕一漢光二百南陽

宛張光仲孝二百平原隰陰馬元冀二百

相史卞呂松遠百守廟百石魯孔恢聖文千

彭城龔治世平二百駘韋仲卿二百襄成侯

魯孔建壽千河南雒陽王敬子慎二百泰山

鮑丹漢公二百處士魯劉靜子著千故從事

魯孔樹君德千京兆劉安初二百故薛令河

內溫朱熊伯珍五百故從事魯王陵少初二
 百魯孔朝升高二百魯石子重二百下邳周
 宣光二百故豫州從事蕃加進子高千故督
 却魯开輝景高二百故平陵令魯庶候元世
 五百行義掾魯弓如叔都二百河間東州齊
 伯宣二百魯曹性初孫二百魯劉仲臣二百
 北海劇袁隆展世百陳國苦虞崇伯宗二百
 魯關一元達二百魯夏侯廬頭百魯周房伯
 臺百東海傅河東臨汾敬謙字季松千關尉
 字關五安季興五百相守史諱在芳世祖二百

魯孔建壽二百時令漢中南鄭趙寡學子關

魯巢壽文關相關六賜公關一輝世平百故

丞魏令河南京丁璫叔舉五百河浦退師度

關澤賢關二魯傅關一子豫二百侯我交父

治真百東郡武陽桓仲豫二百左尉北海

趙福字仁直五百南陽平氏關四二百魯關

字三百魯孔昭叔祖百元廬城子二百山陽

瑕丘九百元臺三百魯齊伯賢二百河東臨

汾敬關一子直千泰山鎮平韋仲元二百關

字狼子二百國廣張達平二百其關一處士

魯劉聖長二百河南雒陽左叔虞二百泰山
費淳于陵季遺二百上黨長子楊萬子三百
河南偃師骨關一通國關二東郡武陽董氏
二百故關二侯相彭城劉關一伯存五百
處士魯孔徵子關一二百河南平陰樊文高
二百

右韓勅碑陰隸釋所載凡六十有二人
較予家舊搨本闕三十有八人隸釋始
曲成侯王嵩終洛陽王敬予家本則始
涿郡太守魯庶次公終河南樊文高又

有大不同者豈隸釋得之傳錄故有此
誤要當以搨本為是抑此及史晨後碑
歐陽公最號博古皆未之見唯趙氏金
石錄有之

漢泰山都尉孔宙碑

君諱宙字季將孔子十九世之孫也天姿醇
嘏齊聖達道少習家訓治嚴氏春秋緝熙之
業既就而閨闈之行允恭德音孔昭遂舉孝
廉除郎中都昌長祗傳五教尊賢養老躬忠
恕以及人兼禹湯之罪已故能興朴關二周

幣濟弘功於易簡三載考績遷元城令是時
東嶽黔首猶夏不闕三祠兵遺畔未寧乃擢
君典戎以文脩之旬月之間莫不解甲服罪
闕三擢田畷喜于荒圃商旅交乎險路會鹿
鳴於樂崩復長初於酬酢闕三稔會遭篤病
告困致休得從所好年六十一延熹六年正
月乙未闕三疾貴速朽之反真慕寧儉之遺
則窀夕不華明器不設凡百印高闕三述於
是故吏門人乃共陟名山采嘉石勒銘示後
俾有彝式其辭曰

於顯我君懿德惟光紹聖作儒身立名彰貢
登王室閭闕是更夙夜闕二在公明明乃綏
二縣黎儀以康於天時靡撫茲岱方闕一彼
凶人覆俾闕二南畝孔饁山有夷行豐年多
忝稱彼兕觥帝賴其勲民斯是皇疾闕三乃
委其榮忠告慤懃屢省乃聽恭儉自終簞簋
不陳生播高譽沒垂令名永矢不刊億載揚
聲延熹七年七月戊闕造

右漢泰山都尉孔宙碑宙孔子十九世
孫而融之父也其事實不見史傳然碑

稱其齊聖達道德音孔昭又稱其治泰山旬月之間民皆解甲服罪可謂無愧聖人之後者碑在曲阜延熹七年立通志金石畧嘗載其目云未詳所在復載泰山太守孔宙碑云在兗州立於延熹六年是漢有兩孔宙而碑復有二何其繆哉

門生故吏名

門生鉅鹿癭陶張雲字子平門生鉅鹿癭陶趙政字元政門生鉅鹿廣宗捕巡字升臺門

生東平寧陽韋勲字幼昌門生魏郡館陶張上字仲舉門生魏郡館陶王時字子表門生魏郡陰安張典字少高門生魏郡魏孟忠字待政門生魏郡魏李鎮字世君門生魏郡館陶吳讓字子敬門生魏郡館陶文儉字元節門生魏郡館陶鄉瑱字仲睢門生魏郡鄴叔香字伯子門生東郡東武陽梁淑字元祖門生東郡衛公國趙恭字和平門生東郡東武陽張表字公方門生東郡東武陽滕穆字奉德門生東郡樂平桑演字仲厚門生東郡樂

平靳京字君賢門生東郡樂平梁布字叔光
門生東郡樂平桑顯字伯異門生陳留平丘
司馬規字伯昌門生安平下博張棋字顛松
門生安平下博張朝字公房門生安平下博
蘇觀字伯臺門生安平堂陽張琦字子異門
生北海安丘齊納字榮謀門生北海都昌呂
升字山甫門生北海劇秦麟字伯麟門生北
海劇如廬浮字遺伯門生北海劇薛鄒字勝
輔門生北海劇高冰字季超門生濟南梁叔
趙震字鄒政門生濟南梁鄒徐璜字幼文門

生濟南東平陵吳進字升臺門生甘陵廣川
李都字元章門生甘陵貝丘賀曜字升進門
生魏郡清淵許祺字升明門生魏郡館陶史
崇字少賢門生魏郡館陶孫忠字府文門生
東郡樂平盧精字子節門生任城任闡三字
景漢門童安平下博張忠字公直故吏北海
都昌逢祈字伯憲故吏北海都昌瑾章字文
理故吏北海都昌魏稱字文長故吏北海都
昌呂規字元規故吏泰山費魚淵字漢長故
吏泰山華母樓覬字世光故吏泰山南城禹

規字世舉故吏泰山南武陽蕭誨字伯謀故
民泰山費淳于黨字季關弟子北海劇陸暹
字盭輔弟子陳留襄邑樂禹字宣舉弟子下
邳下邳朱班字宣關弟子東平寧陽周順字
承關弟子沛國小沛周升字仲甫弟子魯國
文陽陳褒字聖博弟子汝南平輿謝洋字子
讓弟子山陽瑕丘丁瑤字實堅弟子魯國戴
璋字元珪弟子魯國卞王政字漢方

右孔宙碑陰不云碑陰而云門生故吏
名此漢碑中之僅見者前碑云故吏門

人陟山采石勒銘示後則此所載皆其
人也今按宙門生四十二人門童一人
弟子一人故吏八人故民一人隸釋謂
漢儒開門授徒親受業者則曰弟子次
相傳授則曰門生未冠則曰門童總而
稱之亦曰門生舊所治官府其掾屬則
曰故吏占籍者則曰故民非吏非民則
曰處士素非所蒞則曰義士義民此皆
讀漢碑者之所當知而隸釋人間少傳
故著之

金薤琳琅卷第三



金薤琳琅

金薤琳琅卷第四

太僕少卿吳郡都

穆

漢博陵太守孔彪碑 并陰

漢司隸校尉魯峻碑 并陰

漢北海相景君碑 并陰

漢燉煌長史武班碑

漢博陵太守孔彪碑

君諱彪字元上孔子十九世之孫潁川君之
元子也君少履天姿自然之匹帥禮不爽好
惡不愆考衷度衷脩身踐言龍德而學不至

於穀浮游塵埃之外矚焉汜而不俗郡將嘉其所履前後聘召蓋不得已乃翻爾束帶弘論窮理直道事人仁必有勇可以託六授命如毛諾則不宿美之至也莫不歸服舉孝廉除郎中博昌長疾病留宿闕遷闕京府丞未出京師遭大君憂泣踰臯魚喪過乎哀謹畏舊章服竟還署試拜尚書侍郎無偏無黨遵王之素薦可黜否出闕二度日恪位佇所在祇肅拜治書御史膺臯陶之闕一怒闕二參之闕五律祇用既平闕博陵太守郡阻山闕三

字以饑饉斯多草竊罔不闕賊劉闕一張丙等白日攻剽坐家不命君下車之初闕五教以博闕削四凶以勝殘乃闕三爰尚桓桓拯馬蠲害醜類已殫路不拾遺斯民以安發號施憲每合天心闕之所惡不以強人義之所欲不以闕三姓樂政而歸于德望如父母順如流水遷下邳相河東太守舉此闕二君子風也未怒而懼不令而從雲行兩施闕二大和海內歸公卿之任矣勞而不伐有實若虛固執謙需以病辭官去位闕以孝竭闕餘

暇得使彈琴擊磬字關二之味而不改其靜上

帝集謀天秩未究將據師輔之紀關網關疾

彌流乃碩乃字關二卅九建寧四年七月辛未

字關三哀哉魂神超邁寂兮冥冥遺孤切絕于

嗟想形字關二哀遠念不欲生羣臣號咷靡所

復逞夫逝往不可追字關三功識惟君之軌

迹兮如列宿之錯置易建八卦揆肴數辭述

而不作彭祖賦詩皆讚所見于時頌字關二是

關吏崔字關三王沛等伏信好古敢詠顯關乃

刊斯石欽銘洪基昭示後昆申錫鑒思其辭

曰

穆穆我君大聖之胄惇懿尤元叡其玄秀惟

嶽降精誕生忠良奉應郡貢亮彼我關克明

王道辯物居右周字關四也匹名朝無秕政直

哉惟清出統華夏化以典成關猾殄逆賢

倚關庭帝重乃勛自字關二征所臨如神字關六

之翰先民是程宜乎三事金鉉利貞而絜白

駒俾世憤惻當享眉耆莫匪爾極大字關三邈

矣不意于嗟悲兮字關三息滂滂庶幾復焉所

力咨乎不朽沒而德存伊尹之休格于皇天

惟我君績表于丹青永永無沂與日月并于
嗟關二子以慰靈

右漢博陵太守孔彪碑彪孔子十九世
孫與孔宙蓋弟兄行嘗為尚書侍郎治
書御史可謂顯矣關里志世表宗譜皆
不見其名字而碑文類此亦不載向微
搨本之存則後世不復知有彪矣

孔彪碑陰

故吏司徒掾博陵安平崔烈字威考故吏齊
關博陵安平崔恢字行孫故吏桑氏令博陵

安平王沛字公豫故吏司空掾博陵安國劉
德字伯栢故吏外黃令博陵安國劉揚字子
長故吏白馬尉博陵博陵齊智字子周故吏
五官掾博陵安平劉麟字幼公故吏五官掾
博陵安平王瑤字顯祖故吏五官掾博陵安
平孟循字敬節故吏五官掾博陵高陽史應
字子聲故吏五官掾博陵南深澤程祺字伯
友故吏五官掾博陵南深澤程祚字元祐故
吏五官掾博陵安國劉機字關閣
右孔彪碑陰故吏出博陵者凡十有三

人故其額不稱後官而直書博陵洪氏
以爲故吏函甘棠之惠痛夏屋之傾相
與立碑遂以本郡題其額也此或得之
然予觀漢碑亦往往有書前官者又似
不必拘此金石錄乃云不知何謂非也

漢司隸校尉魯峻碑

君諱峻字仲嚴山陽昌邑人其先周文公之
碩胄關一伯禽之懿緒以載于祖考之銘也
君則監營謁者之孫脩武令之子體純和之
德秉仁義之操治魯詩兼通顏氏春秋博覽

羣書無物不看學爲儒宗行爲主表漢關始
住佐職牧守敬恪恭儉州里歸稱舉孝廉除
郎中謁者河內太守丞喪父如禮羣司徒府
舉高第侍御史東郡頓丘令視事四年比縱
豹產化行如流遷九江太守關殘酷之刑行
循吏之道統政關載穆若清風有黃霸召信
臣在穎南之歌以公事去官休神家術未能
一暮爲司空王暢所舉徵拜議郎大尉長史
御史中丞延熹七年二月丁卯拜司隸校尉
董督京輦掌察羣關一蠲細舉大權然䟽發

不為小威以濟其仁弼中獨斷以效其節案
奏闕公彈紕五卿華夏祇肅佞穢者遠遭母
憂自乞拜議郎服竟還拜屯騎校尉以病遜
位守䟽廣止足之計樂於陵灌園之潔閉門
靜居琴書自娛年六十一熹平元年闕月癸
卒明年四月庚子葬於是門生汝南干闕沛
國丁直魏郡馬萌勃海呂圖任城吳盛陳留
誠屯東郡夏侯弘等三百廿人追惟在昔游
夏之徒作謚宣尼君事帝則忠臨民則惠乃
昭告神明謚君白忠惠父息叡不才弱冠而

孤承堂弗構析薪弗何悲蓼莪之不報痛昊
天之靡嘉闕一字闕一企有紀能不號嗟刊石叙哀
其銘曰

巖巖山岳礪落彰軟棠棠忠惠令德孔嫺命
闕時生雅度弘綽允文允武厥姿烈遠內懷
溫潤外撮強虐督司京師穆然清邈當闕緄
職為國之權匪究南山遐邇惻几百君子
欽謚嘉樂永傳童齡暎矣的的

右漢司隸校尉魯峻碑水經注以峻為
恭趙氏謂方輿志寰宇記皆作峻而辨

水經之誤予家舊藏此碑峻字明白可
識趙氏果有其本何乃不知而必欲證
之以地里書也歐陽公謂峻最後爲屯
騎校尉而碑首題云司隸校尉莫曉其
義隸釋云漢人碑志或以所重之官揭
之司隸官尊而職清非列校可比故書
之也此足以祛歐公之感鄭夾漈又謂
此碑書於蔡邕按徐浩古迹記其叙邕
書惟三體石經西岳光和殷華馮敦數
碑及考其他字書亦未聞邕嘗書此不

知鄭氏何所據也

魯峻碑陰

故吏河內

關一字

官

關一字

幼流

關三字

故吏九江

壽春陳龔伯

關一字

五百故吏九江壽春任

關一字

字孝長五百許吏東郡領兵許踰伯通五百

門生沛國丁良

關一字

榮千門生勃海

關二字

字關一世階千門生東郡汝陽敢敦登高千門

生汝南召陵千商明公五百門生南陽新野

關一字

顯文

關一字

五百門生平原

關一字

路龍顯

公五百門生任

關一字

樊兒

關一字

太平五百門

生平原樂陵路福世輔三百門生魏郡關一
 丘李牧君伯三百門生魏郡繁陽王輔子助
 三百門生河東郡關一陽關二文智三百門
 生汝南汝陽郡立關三三百門生東郡關一
 邑關三松二百門生東郡關一平關四二百
 門生東郡樂平關一顯關二二百門生東郡
 樂平關四二百門生魏郡內黃關四二百門
 生東郡關一陽王關一少關一二百門生汝
 南關二瀝強尹稜關二二百門生汝南瀝強尹顯
 字關二二百門生勃海南皮劉扶節關一二百
 字

門生勃海南劉盛興關二二百門生河間阜
 成東鄉晨子關一二百門生河間阜成東鄉
 恭公二百門生平原西平昌劉本景關一二
 百門生平原張謙伯讓二百門生陳留尉氏
 夏統子思二百門生濟陰陳氏許仁伯德二
 百門生濟陰關一狐周維元興二百義士梁
 國寧陵及強強良二百

右魯峻碑陰歐陽公趙明誠皆失收錄
 至洪丞相隸釋於漢碑搜羅殆盡而亦
 復遺焉予家此碑不特人間少有且文

字麗完可讀惜不令三公見之

漢北海相景君碑

惟漢安二年仲秋闕二故北海相任城景府

君卒嗚呼哀哉國闕二寶英彥闕一疇列宿

虧精晚學後時子何穹蒼布命授期有生有

死天寔為之豈夫仁哲彼克不遺於是故吏

諸生相與論曰上世羣后莫不流光闕於無

窮垂芬耀於書篇身歿而往明體亡而名存

或著形像於列圖或繫頌於管弦後來詠其

烈竹帛叙其勲乃作誄曰

伏惟明府受質自天孝弟淵懿帥禮蹈仁根

道核藝抱淑守真晶白清方克已治身寔柔

寔剛乃武乃文遵考孝謂假階司農流德元

城興利惠民強禦改節微弱蒙恩威立澤宣

化行如神帝嘉厥功授以符命守郡益州路

遐戀親躬作遜讓夙宵朝廷建英忠謹拜秩

東衍壘追嘉錫據北海相部城十九鄰邦歸

向分明好惡先以敬讓殘偽易心輕黠踰竟

鴉鳥不鳴分子還養元元鰥寡蒙祐以寧蓄

道脩德闕祉以榮紛紛令儀明府體之仁義

道術明府膺之黃朱邵父明府三之台輔之
任明府宜之以病被徵委位致仕民闕思慕
遠近搔首農夫釋耒商人空市隨舉飲淚奈
何朝廷奪我慈父去官未旬病乃困危珪璧
之質臨卒不回獻闕霄絕奄忽不闕孝子慙
憚顛倒剝摧遂闕克寤永潛長歸州里鄉黨
隕涕奔哀故吏怛怛闕一闕回四海冠蓋
驚慟傷懷大命闕期寔惟天闕明主設位明
府不就臣子欲養明府弗留嗚呼哀哉
亂曰考積幽闕字闕三闕字闕四闕翔議郎闕字再命

虎將綏元元闕規英榘謨主忠信闕羽衛藩
屏撫萬民闕四闕恩闕二闕宜參闕一闕輔闕
幹禎闕不永麋壽棄臣子闕仁敷海外著甘
棠闕石勒銘闕不亡闕

右北海相景君碑金石錄云在濟州任
城縣蓋任氏在漢為任城人也予按濟
州即今之濟寧州今碑乃在州學不知
何年移置於此通志金石略以不知其
地故直云未詳姚江謝中舍大中近過
濟寧搨以見惠予家自祖宗來藏碑頗

富兼以予好收錄中間得於朋友之助者十常四五如此碑是也

北海相景君碑陰

故字關一中部督郵都昌尹忠字定公故門下

督盜賊劇字關一頌字關一遠故門下議史平

昌蔡規字中舉故門下書佐字關一陵孫榮字

世榮故門下書佐淳于逢字關一一字關一成故

騎吏劇字關一麟字關一石故吏朱虛孫徵字

武字關一故吏營陵薛逸字伯踰故吏營陵關

字關一中字關一故吏都昌呂福字益字關一故吏

都昌強字關一一字光字關一故書佐都昌羽質字

孟字關一故書佐字關一虛字關二字君大故書佐

字關一壽淳于字關四故書佐營陵徐昌字昌善

故書佐都昌字關一彤字關一甫故書佐淳于

孫字元字關一故書佐營陵鍾顯字關一寶故

書佐東安平字關一廣字廣宗故書佐劇紀政

字世堅故書佐淳于孫睨字威光故修行都

昌台丘暹字世德故修行都昌董方字季方

故修行營陵曾字關一一字漢興故修行都昌關

字關一久故修行營陵字關二字護宗故脩

行營陵字關一暹字武字關一故脩行營陵臨照

字景耀故脩行都昌張駸字臺字關一故脩行

營陵淳于登字登成故脩行營陵顏理字中

理故脩行營陵水丘郎字君字關一故脩行都

昌呂興字世興故脩行都昌逢進字世安故

書佐劇徐德字漢昌故書佐劇姚進字元豪

故書佐劇邴鍾字元鍾故書佐都昌張翼字

元翼故脩行都昌張字關一字季遠故脩行劇

中字關一字季遠故脩行平字關二允字伯允故

脩行淳于趙尚字進卿故脩行都昌段晉字

世節故脩行都昌齊晏字字關一子故午營陵

字關一遷字世達故午營陵昌敏字元成故午

淳于董純字元祖故午營陵良字世勝故

午朱虛昊詩字孟道故午都昌呂立遷字孟

堅故字關二都昌齊冰字文達故字關二都昌張

亮字元亮

字關二肅字關二故臣吏慎終追遠字關六墳園字關二

字禮備陵成字關一立樹列既就聖典有制三

字關三墓側歲壞字關六遺辭以明字關三靈瑕顯

降吾嘉祐

右景君碑陰列門下書佐及故吏等中有修行凡十九人趙氏謂後漢書百官志注河南尹官屬有循行一百三十人而晉書百官志亦有循行以為循修字畫相類遂致譌謬予謂景君碑刻於漢而後漢書舊皆出傳錄則以修為循者特傳錄之誤耳趙氏不信碑本而信漢書且復引晉書為證殊不知晉書修於唐其亦曰循行蓋仍漢書之誤而云然也

漢敦煌長史武斑碑

建和元年大歲在丁亥二月辛巳朔廿三日

癸卯長史同

闕下

敦煌長史武君諱斑字宣張昔殷王武丁久伐鬼方元功章炳勳藏王府官族分析因以為氏焉武氏蓋其後也適周遐邇歷世曠遠不隕其美漢興以來爵位相踵闕朝忠臣君幼闕顏閔之闕質長敷游夏之文學慈惠寬闕孝友玄妙苞羅術藝貫洞聖闕博兼二闕字耽綜典籍闕三純求福不回清聲美行闡

形遠近州郡貪其高賢闕二請以闕二歲舉

闕翼紫宮闕二詔除光顯玉室有闕於國帝

庸嘉之掌司古闕領校祕鄭研闕幽微追昔

劉向辯賈之徒比闕萬矣時戎闕二匡正一

闕二朝廷惟憂闕二有司闕二舉君班到官

之日闕癘吏士哮虎之怒薄伐闕九並百姓

賴之邦域既寧久勞于外當還本朝以叙左

右以永嘉元年闕月闕日遭疾不闕哀闕於

是金鄉長河間高陽史恢等追惟昔日同歲

郎署感闕為自古在昔先聖與仁闕二興替

闕二人存生榮死哀是闕萬年伊君遺德闕

孔之珍故闕石銘碑以旌明德焉其辭曰

於惟武君允德允恭受天休命積祉所鍾其

在孩提岐嶷發蹤謙闕守約唯誼是從孝深

凱風志潔羔羊樂是闕二恬此闕光孳孳臨

川闕見闕墻庶仰其首微妙玄通闕然清闕六

字升闕為帝股肱扶助太和萬民闕一蒙顯

宗闕二史官書功昊天上帝降茲鞠凶晻忽

徂逝闕四不享闕者大命闕二百遺惟闕后

帝感傷學夫喪師士女悽愴闕表金門令問

不忘垂闕後昆萬載歎誦

尚書丞沛國蕭曹芝闕宣成武令中山安熹

曹种闕二豐令下邳良成徐崇闕二故陳留

府丞魯國魯闕四防東長齊國臨菑闕紀伯

允書此碑嚴祺字伯曾

右漢燉煌長史武斑碑歐陽公謂其字

畫殘滅氏族州里官閥卒葬皆不可見

趙氏謂以所藏本考之斑官閥氏族與


卒之年月皆歷歷可辨趙氏生歐公之

後不應其本若是豈歐公者搨於當時

而趙氏者得之古搨邪予家本視趙氏
雖若不逮然亦有可讀者

金薤琳琅卷第四





金薤琳琅卷第五

太僕少卿吳郡都

穆

漢執金吾丞武榮碑

漢荊州刺史度尚碑

漢桂陽太守周府君碑

并陰

漢衛尉衡方碑

漢執金吾丞武榮碑

君諱榮字含和治魯詩經韋君章句

闕幘傳

講孝經論語漢書史記左氏國語廣學甄微
靡不貫綜久遊太學藐然高厲鮮於雙匹學

優則仕為州書佐郡曹史主簿督郵五官掾
功曹守從事年世六汝南蔡府君察舉孝廉

關二郎中遷執金吾丞遭孝桓大憂屯守玄

武感哀悲慟加遇害氣遭疾隕靈關四君即

吳郡府卿之仲子燉煌長史之次弟也廉孝

相承亦世載德不忝關四命關不竟台衡蓋

觀德於始述行於終於是刊石勒銘垂示無

窮其辭曰

天降雄彥資才卓茂仰高鑠堅允文允武內

關一三署外關師旅關勒屯守舊威關武關

旗絳天雷震電舉敷燿赫然陵惟哮虎當遂

股肱關之元輔天何不弔降此關咎瘳平我

君仁如不壽爵不副德位不稱功感懷傷愴

遠近哀同身沒關二萬世諷誦

右漢執金吾丞武榮碑歐陽公謂其文

字殘缺不見卒葬年月及氏族所出予

家本殘缺與歐公同而隸釋所載者則

又徃徃可讀如云君即吳郡府卿之子

燉煌長史之次弟此乃其氏族之所出

也但碑文簡短不書卒葬年月歐公特

未之知耳

漢荊州刺史度尚碑

君諱尚字博平其先出自顓頊與楚同姓熊
嚴之後闕亦世掌位統國法度秦兼天闕和
之純質秉黃中之正性智含淵藪仁隆春煖
義高秋雲行絜冰霜慷慨壯厲臨闕休譽固
已著矣及其典牧必招振賢才抽拔幽逸選
召所任極當世之秀士養民有闕令聞彌崇
暉光日新可謂盛德者已初奉歲計拜郎中
除上虞長玄化潛洞百姓闕數縣恩信並宣

令行禁止以從父憂去官更舉孝廉為右校
令是時南蠻蠢動擢拜闕醜殊俗賓服遠人
用綏封右鄉侯遷遼東太守旬月之間蕞貉
寧輯會楊賊畔於闕拜中郎將料敵制勝威
謀合神持重優於營平深入則輕冠軍附士
渥於李廣御衆闕同滋味必達井辨幕然後
飲舍惠以厚下說以犯難是故所征輒克師
徒無頽闕寇殄殪干戈載戢走馬以糞朝貪
厥重復拜荊州刺史以故秩居冊書慰薦因
賜闕之荆域號慕雖周人之思召伯弗此踰

也於是故吏感清廟之頌歎斯父之詩乃闕
 曰於惟我侯允懿允明文武是該克忠克貞
 粵初發藻在彼上虞邁種厥德闕矣匪祿是
 榮無言不讎帝揚厥聲俾作配闕往撫于荆
 撫荆惟何南夏是闕邦家截彼海外績莫匪
 嘉天生我侯實為民望心乎其愛四方是叩
 如何不永闕而不死芳烈遺兮
 永康元年歲在鵠尾龍集丁未時維闕歲闕
 右漢荊州刺史度尚碑尚後漢書有傳
 碑今在徐州州治蓋成化間吾鄉顧君

崇善以工部郎中管理河道見其淪於
 湖陵城闌出之遂置於此按酈道元水
 經注云湖陵城東有度尚碑則自漢至
 晉自晉至今而此碑未嘗徙也又隸釋
 云政和中巡檢王當世見其在湖陵荒
 野遷之官廨後邑令滕君欲徙碑於沛
 舟載而覆沉沒不出又其後劉宗儀攝
 令乃立之於使星亭然不知此碑何年
 復淪入水中今惟存其首漢荊州刺史
 度侯之碑九字其餘文字悉皆漫滅特

頑然片石而已蓋閘水撞激日久其字之不存宜也

漢桂陽太守周府君碑

桂陽太守周府君者徐州下邳人也諱憬字君光體性敦仁天姿篤厚行與閨門名關州里舉孝廉拜尚書侍郎遷汝南固始相遂拜桂陽廼宣魯衛之政敷二南之澤政以德綏化猶風騰撫集烝細關綏有方進則貞直退則錯柱崇舉濟濟吉士充朝招訓關蒙開誘六蔽君子道長小人道消信感神祇靈瑞符

關嘉穀生於野竒草像

關一

蒲異根之樹超

然連理於此

關

時邦域惟寧郡又與南海接

比商旅所臻自瀑亭至乎曲紅壹由此水其

水源也出於王禽之山山蓋隆關三于天泉

肇沸踊發射其顛分流離散為十二川彌陵

濟阻丘阜錯連隅陬壅遏末由騁焉爾乃貫

山鑽石經

關四

揚爭怒浮沈潛伏虵龍蝓屈

澧隆鬱浥于渠萬澮合聚谿澗下迄安

關一

六瀧作難湍瀨關二泫泫潺湲雖詩稱百川

沸騰高岸為谷深谷為陵蓋莫若斯天軌所

經惡得已改其下注也若奔車失轡狂牛無
 縻闕勿荒忽臚睦不相知及其上也則群輩
 相隨擅柁提闕唱號慷慨沈深不前其成敗
 也非徒喪寶玩墮珍奇替珠貝流象犀也往
 古來今變甚終矣於是府君乃思夏后之遺
 訓闕應龍之畫傷行旅之悲窮哀闕一人困
 厄感蜀守冰殄絕犁堆嘉夫昧淵永用夷易
 迺命良吏闕一帥壯夫排積闕一石投之寥
 關二高填下鑿截回曲弼水之邪性順導其
 經脉斷浪濫之電波弱陽侯之汹涌由是小

蹊乃平直大道允通利抱布買絲交易南至
 升涉周旋功萬於前除昔闕二樹塞於茲雖
 非龍門之鴻績亦人君之德宗故船人嘆於
 水渚行旅語於塗陸孔子曰禹不決江踈河
 吾其魚矣於是熹平三年歲在攝提仲冬之
 月曲紅長零陵重安區祉字景賢遵承典憲
 宣揚德訓帥禮不越欽仰高山乃與邑子故
 吏龔臺郭蒼龔雒等命工擊石建碑于瀧上
 勒銘公功傳之萬世垂示無窮其辭曰
 乾坤剖兮建兩儀剛柔分兮有險夷咨中嶽

兮穆崔嵬嘆衡林兮獨傾虧增陵峭兮甚隘
倚鮫莫涉兮禹不規仰王禽兮又崑崙俯瀧
淵兮怛以悲岸參天兮無路蹊石縱橫兮流
洄洄波隆隆兮聲若雷或抱貨兮以從利或
追恩兮有赴義汜自揖兮有不避闕躬軀兮
於玄池委性命兮於芒緇惜寒慄兮不皇計
忽隨流兮殆忘歸懿賢后兮發聖莢閉不通
兮治斯谿斲巨石兮以湮填開切闕一兮導
曲機摧六瀧兮弱闕五兮散其波威怒定兮
混瀾瀾息聊啾兮闕五浙兮蛟龍藏陸老唱

兮臚人歌名冠世兮超踰倫今稱闕兮耀流
沙功斐斐兮鏡海裔君乎君壽不訾

右漢桂陽太守周府君碑歐公謂其名
已殘闕但知其字爲君光而已趙氏引
曾南豐之言謂周君名昕以爲歐公考
之未詳而其後小字復謂歐公集別有
一跋云周君名憬而又以爲字頗近之
予按隸釋云君諱憬字君光與歐公後
跋正合則南豐所謂名昕者固爲失之
而趙氏又何必置疑於其間哉

此碑元季廬陵陳謨跋謂漢刻本在隴
上唐重刻本在曲江廟中不知何時徙
置郡學韶州守錢旭既新府治以韶在
漢屬桂陽乃徙置之後楊文貞公跋亦
云碑在韶州府治按府治今爲王府
碑由是仍徙曲江廟中東廣漢碑絕少
所有惟斯而已

周府君碑陰

故曲紅長零陵重安區祉字景賢故含涯長
南郡關一蒼陸字關夏故湏陽守長南平丞

長沙漢昌蹇祇字宣節故行事耒陽華夏字
漢威故荊州從事曲紅龔臺字少謙故荊州
從事曲紅郭蒼字伯起故荊州從事柳王鼎
字季尼故南部督郵曲紅龔雒字關然故吏
曲紅鄧音字孝直故吏曲紅朱隲字義德故
吏曲紅張涼字子才故吏曲紅龔達字叔通
故吏曲紅黃部字世尼故吏曲紅周蓋字伯
嘗故吏曲紅黃晏字子齊故吏曲紅馬珪字
元序故吏曲紅潭承字曼升故吏曲紅劉鵠
字季產故吏曲紅黃祺字叔仁故吏曲紅周

習字仲鸞故吏曲紅劉越字子省故吏柳褚

禧字闕讓故吏耒陽蔡闕字已明故吏湏陽左

尉零陵泉陵闕三故吏湏陽劉萌字仲闕故

吏湏陽左勝字仲升故吏湏陽左蘇字妙舉

故吏湏陽宋碩字子張故吏含涯堯禹字公

制故吏含涯張邵字曼威故吏含涯黃詳字

伯節工師南陽宛王遷字子彊

漢衛尉衡方碑

府君諱方字興祖肇先蓋堯之苗本姓闕二

則有伊尹在殷之世號稱阿衡因而氏焉闕三

字土家于平陸君之烈祖少以儒術安貧樂

道履該顏原兼脩季由聞斯行諸砥仁癘闕四

字土階夷愍之貢經常伯之賓位左馮翊先

帝所尊垂名竹帛考廬江太守兄鴈門太守

字闕三孝長發其祥誕降于君天資純懿昭前

之美少以文塞敷庵允元長以欽明耽詩悅

書闕三秋仕郡辟州舉孝廉除郎中即丘侯

相膠東令遵尹鐸之尊保鄣二城參國起按

斑叙闕三本肇末化速郵置州舉尤異遷會

稽東部都尉將繼南仲邵虎之軌飛翼軫之

旌操參闕三綏來王之蠻會喪太夫人感倍

人之凱風悼蓼莪之劬勞寢闔苦闕一仍闕

上言倍榮向哀札服祥除徵拜議郎右北平

太守尋李廣之在邊恢魏絳之和戎戎戢土

佚費省巨億懷闕四靜有績遷潁川太守脩

清滌俗招拔隱逸光大茅茹國外浮闕一淡

界繆動氣泄狂闕五歸來洙泗用行舍藏徵

拜議郎遷太醫令京兆尹舊都餘化詩人所

詠並有亡新君闕四隆寬慄鶉火光物隕霜

剿姦振滯起舊存亡繼絕恩降乾太威肅剝

坤本朝錄功入登衛闕二翼紫宮夙夜惟寅

委蛇在公有單襄穆典謨之風詔選賢良招

先逸民君務在闕失順其文舉已從政者退

就勅巾永康之末君衛孝桓建寧初政朝用

舊臣留拜步兵校尉處六師之帥維時假階

將授袞職受任浹旬奄離寢疾年六十有三

建寧元年二月五日癸丑卒詔遣使闕二弔

賻禮百賓臨會莫不失聲其年九月十七日

辛酉葬蓋雅頌興而清廟肅中庸起而祖宗

闕故仲尼既歿諸子綴論斯于作歌用昭于

宣字闕一以旌德銘以勒勲於是海內門生故吏字闕三采嘉石樹靈碑鐫茂伐祕將來其辭

曰

峨峨我君懿烈孔純高朗神武歷世忠孝馮

隆鴻軌不忝前人寬猛不主德義是經韜綜

頊闕温故前呈攬英接秀踵迹晏平初據百

里顯顯令聞濟康下民曜武南會邊民是鎮

惟字闕三憂及退身叅議帝室剖符守藩北靖

關二有闕有聲旋守中嶽幽滯以榮萬種舊

京字闕四含澤戴仁字闕二攸寧克長克君不虞

不陽維明維允耀字闕一聲香能慙能惠尅亮

天功入統字闕二赳赳光光法言稽古道而後

行兢兢業業素絲羔羊閭七侃七顛七昂七

何規履渠金玉其相謗七王臣群公憲章樂

只君子字闕二無疆銘勒金石字闕五問字闕二萬

世是傳門生平原樂凌朱登字仲

右漢衛尉衡方碑其叙門閥云伊尹在

殷號稱阿衡因以為氏君考廬江太守

兄雁門太守叙官秩云歷郎中郎丘侯

相膠東令遷會稽東部都尉徵拜議郎

北平穎川兩太守太醫令京兆尹入登
衛尉至步兵校尉叙卒葬云年六十三
建寧元年二月五日癸丑卒其年九月
十七日辛酉葬文字詳悉頗為完好漢
碑中之不易得者洪丞相謂碑云履該
顏原即顏淵原憲予觀其下繼之云兼
修季由蓋仲由一字季路季由即季路
也

金薤琳琅卷第五

